

2 Jon

¹Ŋai matu gurman, girek en ŋigireg pein ta pilianek ak iŋanen nanun, nanun pein dadi sad na ŋigane yau da. Idaned ilo rumok kisaek an lo mi ŋai ilog nupananŋ da, agod an ŋai mi tia ya. Tia, aenta a ru rumok ak dulonŋ dan iŋ dam mi a. ²Ru rumok an id ilod lo yen da, agod an ago id lo pempem yen yau a.

³Bai Anut, iŋ Jesus Kristus Bai sen Nanun da, iŋsad ilo panek, iŋsad ilo muŋanek agod iŋsad maror id da tumado wa, an man ru rumok lo, agod id niŋed o dumat an lo dam mi wa.

⁴Ŋai ilog uyanan mok da, man dugo, oŋsa nanuk aenta ru rumok ak diganuri dan ŋeil a, an nek ibol Bai sen ru kagin irupaiad ak igo wonŋ ago digane da. ⁵O pein, ŋai ru foun ak ta ŋigireg ŋurupaio na da, tia, ru en o fun lo mok giranŋ na yen an nek amaiak mi fon ŋurupaio da. Id kisaek kisaek nug ilon tupani san niŋen o ŋugudano da. ⁶En man ilo panek, iŋsan awak aban san ru kubiaenŋ an mi turi wa. Agod en man iŋsan ru kubiaenŋ, nek kubaienŋ a fun lo mok alonŋ an ago mi, aŋ ilo panek san kagin an lo mi ator a. ⁷Man dugo, sewak tamol wei mi dilasag panu panu lo dutor da. Iŋ Jesus Kristus tinin tamol mok igo wonŋ ilasa yan uyan ta dupani na da. Tamol naok ago man iŋ sewak tamol, agod Kristus san ager tamol ta igo ya. ⁸Kagin agane wa. Mel a aŋ lulunam lo dilasa san niŋen maŋ urat wagai migane na yan ideg yau banau. Tia, mel an naon idaisudam anane wa. ⁹Talpein a imaspalup imug yau dop, an lo pitejanek mok Kristus niŋen o yan lo ta itur sakar pe imado na tap, iŋ Anut da tia ya. Gug talpein pitejanek an lo itur sakar pe imado dan iŋ Bai da, agod iŋanen Nanun da mi a. ¹⁰Ak talpein ta anŋsam na ipalu, ago gug iŋ pitejanek ru en tia tap, aŋ ananem ab lo imado wo ta ananep au na wa. Agod ilo uyan ru ta arupein na wa. ¹¹Man dugo, talpein a tamol naok ago yak ilo uyan ru irupein dan, kulob an lo iŋsan urat saian an iŋ da sisem disini wa.

¹²Ŋai ru wei mi ŋigirep anŋsam na ŋigane ipalu wa. Ak man ŋai gau nam pepa roun lo ŋigirep ŋigane ipalu man ŋamoi a. Ago gug ŋaisag ilog yen dak, mitep ŋaiseg ŋieg nam ŋupalup id sisem nug naon tupanip tiŋiŋenŋ a. Ago dop man id sisem ilod uyanan mok a.

¹³Oŋane lu (pein) a Anut sen ipiliani an, iŋsan nanun muroun oŋsa na ilo uyan ru en digane ipalu ya.

3 Jon

¹Ɔai matu gurman, girek en Ɔigireg Ɔaineg turag mok Gaias, oƆsa na Ɔigane ipalu ya. Idaned ilo rumok kisaek an lo mi Ɔurupaio da, Ɔai oƆ niƆe wo Ɔamat da.

²O turag, Ɔai ƆalonƆ ak igo ya, oƆ oƆane Ɔutu lo man mado uyanan da. Amaiak niƆen o, dal kisaek en lo mi Ɔai oƆane tini subam tia itaot yen dop, oƆsa tureƆ lo muruan ama tia san niƆen o Anut Ɔugudani da. ³Gubak mi teid taod ta dupalug oƆ ru rumok ak lo mado dan, agod lo utor yau dan dubol ƆalonƆ go, Ɔai ilog uyanan mok da. ⁴Ɔai nanug muroug ru rumok ak lo mi dumado dutor dan ƆalonƆ tap, an lo man Ɔaisag yousai tubun geig a, agod mel aenta san yousai fidian an iriƆanai a.

⁵Turag uyanan, saen oƆ Kris aenta binawai dan, agod tamol asau ak niƆedi wo urat gane dan, oƆ kagin uyan ak uri da. ⁶IƆ midaeƆ naod na oƆane ilo panek an dupitiani da. OƆ tamol a urat lo diraig dumug diau dan, Anut san kagin ibol ak atem ago gane uyan da. ⁷IƆ Anut yaƆan lo dumasag dutor da, agod gob adi banid lo mel ta diƆane man tia ya. ⁸Amaiak niƆen o id tamol naok ago yak tibiƆawai a, ago dop man id iƆ da ru rumok ak san urat sisem ka tisini wa.

⁹Ɔai girek ta Ɔigireg Kris midaeƆ lo Ɔigane yau a. Ago gug Diotrefes iƆsen tinin isinip malan imug o igane dop Ɔaisag ru ilonƆ san imoi da. ¹⁰An niƆen saen Ɔai aƆsam na Ɔupalu tap, Ɔai iƆsan naok naok en Ɔabol dop alonƆ a. IƆ Ɔai patug fo uf igane dop ru saiak saiak ibol da. Agod kagin naok ago yak mi ta igane na da, tia, teid taod an iƆal pe iƆsan ab lo diau o man imoi. Agod aenta diƆal pe iƆsad ab lo diau wo diƆane bo man yabtuƆanai da, ago dop midaeƆ ilon lo yan ikudaip patun fo dilasa da.

¹¹Turag uyanan, kagin saian ak ta tutuƆani na wa, tia, kagin uyan ak mi uri wa. Talpein a kagin uyan ak igane dan iƆ Anut san, ago gug talpein a kagin saian ak igane dan Anut ta ile na ya. ¹²Tamolpein wei mi Demetrius san kagin uyanan an niƆen diƆiƆeƆ da. Agod ru rumok iƆsen mi iƆ niƆen o dam ru uyanan ak ibol ilasa da. Ɔai dam iƆsan kagin uyanan ak niƆen o ƆiƆiƆeƆ da, an niƆen o ulonƆ ak Ɔaineg ru en rumok a.

¹³Ɔai ru wei mi Ɔigirep aƆsam na Ɔigane ipalu wa, ago yak man Ɔai mel ate gau bilkas ak nam Ɔigirep Ɔigane ipalu man Ɔamoi a. ¹⁴⁻¹⁵Ago

gug ηaisag ilog yen dak, milaen tiap ηai oη ηiliop id sisem nug naon tupanip tiηiηeη a.

Maror oη da amado. Turad muroud oηsa na ilo uyan ru digane ipalu ya. Oη dam ηaineg turag muroug anen anen ilo uyan ru rupidaip duloη a.

Jud

¹Ŋai Jud, Jesus Kristus iŋanen urat pinein, ŋai Jems tein.

Aŋ ensauta a Anut igiaŋ an, Bai Anut aŋ niŋemi wo imat mok go, Jesus Kristus iŋsen aŋ kagin ipanaŋ dan, niŋemi wo ŋai girek en aŋsam na ŋiganeg ipalu da. ²Anut iŋanen ilo muŋanek, ilo maror agod tamolpein aenta niŋedi wo amat san aŋ lo awan isap yen a.

Tamol a Anut san kagin ta diri dupani na dan sad pitiŋinek

³Ŋai turag muroug, patu pasek e aŋ maŋ da sisem tabig tumado den san fun ŋigire wo ŋai yaes isofutanag da. Gug ŋai ilog isoug gamu ru senamo ŋigire wo da. Ilo rumok e id gun adi tabi den, Anut iŋsen saen kisaek o lian id banid lo igane yan man id ta tibileksa na wa. Fun amaiak niŋen o, idsad ilo rumok abalgirani san niŋen wagai agane wo ru kagin ŋupanaŋ da. ⁴Man dugo, tamol aenta mianuk lo mi aŋ Kris adi lulunam lo disadu ya. Tamol amaiak Anut wagam mok, iŋanen girek lo, daon panek diŋane san o ipilianai a. Iŋ Anut san kagin ta diri dupani na dan, Anut san ilo muŋanek dibilisag mel naon senamo geig ilasa ya. Iŋanen ilo muŋanek ipanad dan san fun man, tinid san ilo masa mi ka turi tupani wak ago dubol da. Ak niŋen o iŋ jeit kagin digane dan Anut uyan ipidinaŋ ak ago dubol da. Agod Jesus Kristus, Tubun en iŋsen Kiŋ an iŋ dumoi da.

⁵Aŋ mel en alonj fufei la ya, Anut wagam Isrel iŋal go Igipta dubiseig diau a. Ago bo man murnag tamolpein sauta a ilod lo ta rumok na yan Anut ipitiŋinaŋ a. Aŋsem alonj la yak gug, kulob naok an aŋ fon mi ilom isafulale san ŋabol da. ⁶Gubak mi eŋel sauta, iŋaned urat malan te yan lo dumado san dumoi a. Anut urat an ipidinaŋ a, ago gug digane san dumoi go aben an dubisei tag, Anut sein nam isubanaig nal fidian tidom tubun lo ago dumado wo ibol a. Ante dumado dop yaup nal tubun ak san saen ilasa dop Anut bitinaek lo idirai a. ⁷Nek ibol Sodom iŋ Gumora da, agod taun a panu uraru girane na yan sad tamolpein, eŋel adi a jeit kagin digane na yak ago mi iŋ dam ago digane ya. Pein iŋ tamol da sad ilo masa san kagin an dibiseig, tamol iŋ tamol da sad ilo masa san kagin diri se yan lo aupasek an dam digane ya. Amaiak niŋen o Anut aupasek an naon yai pempem yen yau san lo imiriaig inanai pasik a, an man mitilaen ru kagin ipanad san igo ya.